

阿毘曇甘露味論

籍

四百十一  
華五

50827



元祿九年丙子二月日重脩

皇國聖業 廣濟報昌

佛國瑞日 轉

山城州天安寺法金剛院置



五

七

阿毗曇毘露味論卷上



華

尊者瞿沙造

曹魏代譯失三藏名

布施持戒品第一

施

云何布施自持財物與為三種故自為身  
故為他人故為彼我故供養塔寺佛辟支佛  
阿羅漢自為身故施與眾生為他人故布施  
與人為彼我故思田物好得好報云何得好  
信淨與供養云何田好有三種田有大德有  
貧苦有大德貧苦云何大德佛菩薩辟支佛  
阿羅漢阿那含斯陀含須陀洹云何貧苦畜  
生老病聾盲瘖瘂如是種種貧苦云何大德  
貧苦有佛菩薩辟支佛阿羅漢阿那含斯陀



含須陀洹老病龍身盲瘡癩貧苦大德田者恭  
敬心得大報貧苦田者憐愍心得大報大德  
貧苦田者恭敬憐愍心得大報是為福田好  
云何物好不殺他不偷不奪不繫不鞭不欺  
不誑淨物隨多少隨時布施是為物好信云  
何知後世果若涅槃一心不動是謂信淨云  
何自除慳貪恭敬於人是謂淨供養云何奉  
迎禮拜自手施與等是謂供養云何田異行  
善持戒禪定智慧解脫得果等功德若有是  
是謂田異救濟危厄異因緣得果若有無苦  
發心供給得妙果報布施即時一切得福  
布施眾僧若受用得一切福未受用不得一

切福供養法故得大報若學人聰明大智慧  
以法故供養是謂供養法布施得富受施竟  
得樂力壽等功德除結勝得大果報若施畜  
生受百世報若施不善人受千世報若施善  
人受千萬世報若施離欲凡夫受千萬億世  
報若施得道人得無數世報若施佛至涅槃  
受報布施有六難一者憍慢施二者求名施  
三者爲力施四者強與施五者因緣施六者  
求報施衆僧中分別施是謂布施六難云何  
持戒有二種律儀不善善律儀云何不善殺  
生偷盜姪姝是謂身三惡律儀兩舌惡口妄  
言綺語是謂口四惡律儀貪恚惡邪是謂意

三惡律儀云何殺生有他生知是生故奪命  
如是殺生有他受物知是他受物故盜心偷  
奪如是盜有婦女他所有知他婦女故欲共  
姪若道非道中自有婦犯非道如是姪姝若  
知言不知不知言知若疑言不疑不疑言疑  
如是妄語若有實欲別離故異說是謂兩舌  
染汚心他人不受言如是惡口不知時無義  
言如是綺語財物他有貪愛應我有如是貪  
見彼不喜欲令苦痛如是恚惡邪有二種實  
有物而言無顛倒見聞云何實有物而言無  
無罪無福報無今世後世無父母無佛辟支  
佛阿羅漢餘得道等如是實有而言無云何

顛倒見聞惡善天作非行報果如是惡邪是  
謂三種不善業悔是三事除却不作是謂三  
種善業常遠三種惡行三種善是謂持戒堅  
固布施持戒禪定思惟必得三果得財富得  
生天得解脫世種福田父母老病善人離欲  
凡夫有漏七人四道向四道果從滅禪入起  
辟支佛菩薩佛比丘僧有去來人飢渴  
阿毗曇耳露味界道品第二  
三界欲界色界無色界是三界中有五種道  
地獄畜生鬼神人天及中陰道云何地獄道  
大地獄八種第一僧時披第二黑繩第三合  
會第四魯臘第五摩訶魯臘第六般那第七

波多般身八所鼻一一大地獄各有十六地  
獄眷屬云何畜生道無脚兩脚四脚多脚水  
行陸行空行云何鬼神道種種身欲界不善  
行三種上中下上報地獄中報畜生下報餓  
鬼云何人道四種人東弗于逮人西瞿耶尼  
人南閻浮提人北鬱單曰人欲界四種善行  
報生云何天道欲界有六天第一四天王天  
第二忉利天第三鹽天第四兜術天第五尼  
摩羅天第六他化自在天欲界中六種善報  
生色界十七處梵福樓梵迦夷摩訶梵少光  
三量光光耀少淨無量淨遍淨果實得德大  
果不煩不惱善觀快見阿迦尼吒四禪三種



上中下報十二處生四禪有漏無漏雜報五  
淨居聖人生三處聖人凡夫共生大果處凡  
夫得無想定生無想天無色界空處識處不  
用處有想無想處得無色定是次第生無色  
處隨定力得生處是為天道欲受欲用欲畜  
以是因緣說欲界無欲有色以是因緣說色  
界無色亦有四陰以是因緣說無色界人中  
五十歲是四天王一日一夜如是三十日為  
一月十二月為一歲四天王壽天上五百歲  
當人間九萬歲是僧時披泥黎中一日一夜  
如是三十日為一月十二月為一歲僧時披  
泥黎壽五百歲復次人中百歲是初利天一

日一夜如是三十日為一月十二月為一歲  
物利天壽天上千歲當人間三億六萬歲是  
黑繩泥黎中一日一夜如是三十日為一月  
十二月為一歲黑繩泥黎壽千歲復次人中  
二百歲是鹽天一日一夜如是三十日為一  
月十二月為一歲鹽天壽二千歲當人間數十四  
億四萬歲是合會泥黎中一日一夜如是三  
十日為一月十二月為一歲合會泥黎壽二  
千歲復次人中四百歲是兜術天一日一夜  
如是三十日為一月十二月為一歲兜術天  
上壽四千歲當人間數五十七億六萬歲是  
曾臘泥黎中一日一夜如是三十日為一月

日一夜如是三十日為一月十二月為一歲  
物利天壽天上千歲當人間三億六萬歲是  
黑繩泥黎中一日一夜如是三十日為一月  
十二月為一歲黑繩泥黎壽千歲復次人中  
二百歲是鹽天一日一夜如是三十日為一  
月十二月為一歲鹽天壽二千歲當人間數十四  
億四萬歲是合會泥黎中一日一夜如是三  
十日為一月十二月為一歲合會泥黎壽二  
千歲復次人中四百歲是兜術天一日一夜  
如是三十日為一月十二月為一歲兜術天  
上壽四千歲當人間數五十七億六萬歲是  
曹臘泥黎中一日一夜如是三十日為一月

十二月爲一歲。曾臘泥黎壽四千歲。復次以  
中八百歲。是化應聲天。一日一夜。如是三十  
日。爲一月。十二月爲一歲。化應聲天上壽八  
千歲。當人間數二百三十億。四萬歲。是摩訶  
曾臘泥黎中。一日一夜。如是三十日。爲一月。  
十二月爲一歲。摩訶曾臘泥黎中。壽八千歲。  
復次。人中千六百歲。是他化自在天。一日一  
夜。如是三十日。爲一月。十二月爲一歲。他化  
自在天上。壽萬六千歲。當人間數九百二十  
一億六萬歲。是般那泥黎中。一日一夜。如是  
三十日。爲一月。十二月爲一歲。般那泥黎中  
壽萬六千歲。波多般泥黎。增半劫。壽阿鼻泥

黎壽一劫畜生中壽有彈指頃半日一日以  
月一歲十歲一百千萬億歲乃至一劫壽餓  
鬼中壽乃至七萬歲人中閻浮提人壽或無  
數歲或至十歲今時壽百歲多少過瞿耶尼  
人壽二百五十歲東弗于逮人壽五百歲北  
鬱單曰人壽千歲不增減餘處衆生壽有增  
減是謂欲界中衆生壽云何色界中壽梵迦  
夷天壽半劫梵富樓天壽一劫摩呵梵天壽  
一劫半是謂初禪壽少光天壽二劫無量光  
天壽四劫光曜天壽八劫是謂二禪壽約淨  
天壽十六劫無量淨天壽三十二劫徧淨天  
壽六十四劫是謂三禪壽果實天壽一百二

十五劫得德天壽二百五十劫大果天壽五百劫無煩天壽千劫無惱天壽二千劫善觀天壽四千劫快見天壽八千劫阿迦膩吒天壽萬六千劫是謂四禪壽空處壽二萬劫識處壽四萬劫不用處壽六萬劫有想無想處壽八萬劫是謂無色界壽如是三界衆生壽

卷上

五

阿毗曇甘露味住食生品第三

有四識住云何四色想痛行欲界色界中識多緣色住空處識處識多緣痛住不用處識多緣想住有想無想處識多緣行住有四種食情命根大長故云何四食一者搏食二者樂食三者意思食四者識食搏食三心攝香

味細滑入以何等故色入不攝搏食眼見食  
情命根大不長故搏食有二種有麤有細云  
何麤飯餅如是一切云何細飲消香塗身云  
何樂食眼更樂耳鼻舌身更樂有漏意更樂  
能後世生相續不斷樂食多鳥卵鵝鴈如是  
一切意思食多水蟲卵魚如是一切識食多  
有想無想處及中陰眾生搏食多欲界中餘  
三食多色無色界中搏食第一麤樂食細意  
思食次細識食最細四種生卵生胎生濕生  
化生泥黎天中陰一切化生鬼神二種生胎  
生及化生餘眾生四種生化中眾生一時得六  
情根餘殘生最初得身根命根諸餘根次第

得四有生有死有本有中死生中間細五  
陰是謂中有中有生有譬如印作字如父子  
相似除無色界餘一切受中陰無色界終生  
欲色界受中陰譬如中阿那含有中陰餘生  
中有生有亦如是

阿毗曇甘露味業品第四

雜心中緣雜垢起雜行雜行中雜受報去何  
雜行有三種行身行口行意行善行不善行  
無記行學行無學行非學非無學行見諦斷  
行思惟斷行無斷行現世報生報後報樂報  
苦報不樂不苦報黑報白報雜報不黑不白  
無報行行盡必受報行不必受報行去何身



行身動身作云何口行口動口作云何意行  
行動意思云何善行善身作善口作善意思  
云何不善行不善身作不善口作不善意思  
云何無記行無記身動無記口動無記意思  
云何學行學身無教學口無教學意思云何  
無學行無學身無教無學口無教無學意思  
云何非學非無學行有漏身動口動意思云  
何見諦斷行堅信堅法見忍斷八十八結相  
應思云何思惟斷行信解脫見到思惟斷十  
使相應思及染汚身行口行善有漏行無記  
行云何無斷行諸無漏行云何現世報若作  
善惡行今世得非後世得云何生報隨善惡

行後第一生得非餘生云何後報隨行善惡  
後第二生得若第三第四若過得報云何樂  
報欲界善行色界乃至三禪善行是受樂報  
云何苦報不善行受報云何不苦不樂報第  
四禪善有漏行及無色界善有漏行云何黑  
黑報不善行黑黑報云何白白報善有漏行  
白白報云何雜報欲界善惡雜行雜受報云  
何不黑不白無報行行盡三界漏盡時無礙  
道攝無漏思也云何必受報行五逆行必受  
惡報現世報生報後報餘殘有緣有人必受  
報無緣無人不必要報一切有漏行故作熟  
得報不熟不得報三種行身業教無

教口業教無教意業有教云何教行若身口  
意作云何無教行身口作竟起餘心時常在  
不失無教色善不善心中生無記心不生無  
教色所以者何無記心力劣故無記有二種  
有隱沒不隱沒結使所覆是隱沒不覆是不  
隱沒云何隱沒無記法欲界中身邪邊邪及  
彼相應無明共有法色無色界一切結使及  
色界身口行是謂隱沒無記法云何不隱沒  
無記法坐卧立行技巧報法變化心虛空非  
智緣盡是謂不隱沒無記法無教三種一無  
漏二定共三戒律儀云何無漏戒正語正業  
正命正定正戒得禪離欲惡法云何戒律

儀受戒時得善有漏身口行云何得三種律  
儀一切得道無漏律儀成就一切得禪定共  
律儀成就欲界人受戒戒律儀成就戒律儀  
人最初教作時現前無教成就若盡不失成  
就過去得禪人一切過去未來定共律儀成  
就若入定過去未來現在成就無漏律儀未  
來一切成就若入道現在前成就若盡不失  
成就過去律儀人若作重惡不善成就不善  
教無教若不重惡成就不善教無無教若惡  
心滅不成就教無教不律儀人現在成就不  
善無教若盡不失成就過去不善無教若作  
重善成就善教無教若不重善成就善教無

無教若善心減不成就教無教若中間人若  
作重善若不善成就善不善教無教若作不  
重善不善成就教無無教若善不善心滅不  
成就教無教得色界善心成就禪律儀若心  
退不成就禪律儀一切色界善心中律儀心  
相應除眼耳鼻身心聞慧死時心六地無漏  
心力成就無漏律儀云何六地未到禪地初  
禪中禪二禪三禪四禪退六地心不成就無  
漏律儀有二事失無漏律儀若退若得道果  
有二事失禪律儀若退若命終有三事失戒  
律儀一犯戒二捨戒三惡邪起若法滅盡時  
有人言失戒律儀有言不失實不失有四事

失不律儀。一受戒。二不更作。三一心息求。四  
得道善色。云何失。若斷善根。若命終餘殘。染  
汚心數。法斷結時。斷有五種果。一報果。二所  
依果。三增上果。四身力果。五解脫果。善有漏  
法。或四果。或五果。能斷結。使是謂五果。不能  
斷結。是謂四果。除解脫果。不善法。有四果。除  
解脫果。無漏法。或四果。或三果。若斷結。四果  
除報果。若不斷結。三果。除報果。解脫果。無記  
法。三果。除報果。解脫果。云何報果。不善法。善  
有漏法。得報果。云何所依果。善。不善。無記法。  
常行增長。益至竟。得是謂所依果。云何增上  
果。若好。若不好。共俱受。最上受。是謂增上果。

云何身為果身行為作等是謂身力果云何  
解脫果智滅結是謂解脫果善根不善根無  
記根三種善根不貪不恚無癡善根三種不  
善根貪欲瞋恚愚癡四種無記根無記愛無  
記無明無記見無記慢三種法善法不善法  
無記法云何善法善身口業善心心相應法  
及心不相應行及智緣盡是為善法云何不  
善法不善身口業不善心心相應法及心不  
相應行是為不善法云何無記法無記身口  
業無記心心相應法及心不相應行虛空非  
智緣盡是謂無記法不飲酒布施供養尊重  
等是謂善身口業持飲酒搥打憍慢尊重等

是不善身口業攝是爲十業道不攝欲界身  
口業欲界四大造如是色界無漏身口業何  
四大造若依六種地即彼地四大造若生無  
色界如是本得無漏身口業即彼地四大造  
三種命終有命盡福不盡有福盡命不盡有  
福盡命盡也

阿毗曇甘露味陰持入品第五

卷上

九

諸有漏法四事離云何四無常無我無樂無  
淨煩惱諸漏何以故趣一切生處心漏連注  
墮世界故是謂有漏三界有百八煩惱九十  
八結十纏是煩惱何處生是說有漏法亦名  
受陰及煩惱處從是中有二種五陰有漏無



漏受陰一切有漏云何色陰諸四大造十二  
入除意入諸餘入及法入攝無教色是謂色  
陰是色陰二種可見不可見云何可見一入  
色入云何不見九入及法入攝無教色復有  
三種色有可見有對有不可見有對有不可  
見無對色入可見有對餘九入不可見有對  
~~法入無教色不可見無對是謂色陰~~云何痛  
陰受痛六更樂生是有二種痛身痛心痛三  
種痛苦痛樂痛不苦不樂痛四種痛身記無記  
心記無記五種痛五痛根是六種痛眼更痛  
耳鼻舌身意更痛十八種痛眼等有喜樂護  
三十六種痛十八痛中有善不善百八種痛

過去未來現在各三十六一一衆生須臾起  
無數痛是謂痛陰云何想陰意種種緣一切  
法想是三種小大無數種種外入攝以是因  
緣想是謂想陰云何行陰有爲法中行作種  
種諸法是行陰二種心相應心不相應云何  
心相應一思二更樂三憶等諸法是名心相  
應云何心不相應不得二無想三滅盡定等  
心不相應是謂行陰云何識陰青黃赤白等  
諸法分別識是識有六種眼識耳鼻舌身意  
識云何眼識眼情依止識色是謂眼識如是  
耳鼻舌身意情依止識法是謂意識是謂  
識陰十二入眼入耳鼻舌身意入是內六入

色入聲香味細滑法入是外六入亦復眼識  
乃至意識合十八持四大淨造色識因緣是  
謂眼如是四大淨造聲香味細滑識因緣是  
謂耳鼻舌身一切眼識塵色十二種長短明  
闇青黃赤白龜細色邊空色身教色一切耳  
識塵聲衆生數聲非衆生數聲一切鼻識塵  
香好香臭香等香一切舌識塵味辛酸鹹苦  
甘等六十三種味一切身識塵細滑輕重堅  
軟寒熱飢渴四大等一切意識塵法是謂一  
切法五識不能分別意識分別心意識無差  
別說有差別情塵識合是生更樂共生痛等  
十大地十煩惱大地十小煩惱地是諸法

生共緣共住共起共滅譬如燈明熱共起共住  
共盡問十八持幾善幾不善幾無記答八無  
記十當分別色持聲持七識持法持有善不  
善無記云何善色善身教云何不善色不善  
身教云何無記色除善不善身教諸餘色持  
是謂無記如是聲塵眼識有善不善無記云  
何善善憶相應眼識云何不善不善憶相應  
眼識云何無記無記憶相應眼識如是耳鼻  
舌身意意識持法持或善不善無記云何善  
法持攝善身口業善痛想行陰及智緣盡云  
何不善法持攝不善身口業不善痛想行陰  
云何無記法持攝無記痛想行陰及虛空非

智緣盡問十八持幾有漏幾無漏答十八持  
十五持有漏三當分別云何三意持法持意  
識持有漏憶相應意持是謂有漏無漏憶相  
應意持是謂無漏意識亦如是法持中攝有  
漏身口業有漏痛想行陰是謂有漏法持攝  
無漏身口業無漏痛想行陰及無為法是謂  
無漏問十八持幾欲界繫幾色界繫幾無色  
界繫幾不繫答四持欲界繫香味鼻識舌識  
以搏食處故十四當分別眼持欲色界繫云  
何欲界繫欲界繫四大造如是耳鼻舌身色  
聲細滑持欲界繫欲界繫四大造云何色界  
繫眼持色界繫四大造如是耳鼻舌身色聲

卷上  
土

細滑持色界繫色界繫四大造眼識欲色界  
繫云何欲界繫欲界憶相應眼識耳身識持  
亦如是云何色界繫色界憶相應眼識耳身  
亦如是意持欲界繫色無色界繫或不繫云  
何欲界繫欲界憶相應意持云何色界繫色  
界憶相應意持云何無色界繫無色界憶相  
應意持云何不繫無漏憶相應意持意識持  
亦如是法持或欲界繫或色無色界繫或不  
繫法持攝欲界繫身口業及痛想行陰是謂  
欲界繫云何色界繫法持攝色界繫身口業  
及痛想行陰是謂色界繫云何無色界繫法  
持攝無色界痛想行陰是謂無色界繫云何

不繫法持。摸無漏身口業。無漏痛想行陰及  
無爲法。是謂不繫。問十八持。幾內入攝。幾外  
入攝。答十二持內入攝。眼耳鼻舌身意識持。  
識耳鼻舌身意識持。六外入攝。色持聲香味  
細滑法持。問幾有覺。有觀。幾有覺。無觀。幾無  
覺。無觀。答十無覺。無觀。五情。五塵。五識。有覺  
有觀。三當分別。意持。或有覺。有觀。有覺。無觀。  
無覺。無觀。云何有覺。有觀。欲界初禪。有覺。有  
觀。中間禪。有覺。無觀。上地。無覺。無觀。意識亦  
如是。法持。攝身口業。諸不相應。行無爲。無覺  
無觀。餘殘。如意持。問幾共緣。幾不共緣。答七  
心持共緣。何以故。自塵緣。故十持不共緣。五

情五塵法持當分別法持攝身口業諸心不  
相應行無為不共緣餘殘共緣問十八持幾  
受幾不受答九持情根合若現在是受於中  
心心數法止任過去未來不受非彼心心數  
法止任聲持七識持法持是不受非彼心心  
數法止任問十八持幾有為幾無為答十七  
持有為法持當分別或有為或無為云何有  
為法持攝身口業痛想行陰是謂有為智緣  
盡非智緣盡虛空是謂無為

阿毗曇甘露味行品第六

一切有為法無勢力起因他力共生是諸法  
有四相起住老無常問若有四相是應更復



有相答更有四相彼相中餘四相俱生生為  
生住為住老為老無常為無常問若令者不  
可盡答展轉自相為諸行法二種有心相應  
有心不相應云何心相應痛想思更樂憶歎  
解脫信精進念定慧覺觀邪行不邪行善根  
不善根無記相一切使惱結縛纏一切智慧  
如是種種心相應法是謂心相應行云何心  
不相應行得生住老無常無想定滅盡定無  
想處後種種法是謂心不相應行因緣次  
前第緣緣緣增上緣一切有為法從是四緣生  
云何因緣五因相應共有自然徧報因是謂

因緣云何次第緣諸法中心心數是法滅是  
法起是為次第緣云何緣緣緣塵故心心數  
法生是謂緣緣云何增上緣一切萬物不相  
障礙是謂增上緣六因相應因共有自然徧  
報所作因云何相應因心諸教法因諸心數  
法心因是謂相應因云何共有因諸法各各  
相伴心諸心教法因諸心數法心因復次共  
生四大共有因造色心不相應行心心數法  
心不相應行因云何自然因謂彼前生善後  
生善前生不善後生不善前無記後無記云  
何徧因謂身見計我我有常諸陰受有常我  
樂淨等生諸煩惱云何報因謂善生樂報不

善生苦報云何所作因一切諸法各各不相  
障礙不留不住報心有五因除遍因如是心  
數法一切煩惱有五因除報因報生色及不  
相應行有四因除相應因遍因滌汚色及不  
相應行有四因除相應因報因餘殘心心數  
法有四因除報因遍因餘殘心不相應行或  
二因或三因除相應因遍因或因除自  
然因或不無初無漏心相應法有三因除自  
然因報因遍因是無漏心中生色及心不  
相應行有二因共因所作因心心數法是從  
四緣生無想定滅盡定是從三緣生除緣緣  
心不相應行及諸色法是從二緣生除次第

緣緣緣無有法一緣生餘法力攷生一法三  
事會更樂共生痛想思憶欲解脫信精進念  
定慧護共心起合成就是諸法共心俱三法  
會更樂身心受痛緣分別識想動思心不忘  
憶欲作欲心無礙解脫信種種事勤精進緣  
勝不忘念心不動定分別法慧心不著獲事  
緣起心法相應得諸法成就癡想更樂思憶  
欲解脫念定慧是十大地法何以攷一切心  
共生云何相應共一緣行不增不減是謂相  
應十煩惱大地一切不善心中共生不信懈  
怠忘心亂聞鈍邪憶邪解脫調無明邪行云  
何不信心不入法云何懈怠心疲在作云何

忘不念云何心亂不一心云何闇鈍不曉事  
云何邪憶非道念云何邪解脫不捨顛倒云  
何調心走不息云何無明三界中無知云何  
邪行不住善法十小煩惱地瞋優波那不捨  
波陀舍摩夜舍耻慳嫉慢大慢云何瞋心忿  
動云何優波那心念毒住云何不捨覆藏罪  
事云何波陀舍非法事忘持不捨云何摩夜  
身口欺人云何舍耻心收收云何慳心惜畏  
盡云何嫉見他好事瞋云何慢於卑賤我勝  
於上我等云何大慢等中我大於大中我勝  
大此十煩惱地意識相應非五識故言小也  
於中七煩惱欲界繫念耻欲界及梵天慢大

慢三界繫十善大地不貪不恚信猗不放逸  
精進護不憍惱懺愧云何不貪自身他身財  
物不欲不利云何不恚若眾生過非眾生過  
心不起恚云何信知實事心清淨云何猗心  
善離重得輕冷云何不放逸心繫善法云何  
精進習近善法云何護於諸法離住云何不  
憍惱一切眾生中身口意不犯惡云何慙自  
作惡事著云何愧故人中作不可事愧是十  
法一切善心相應是攷說大地三處愛處不  
愛處中愛處者姪欲慳貪惜等諸煩惱生  
不愛處者瞋恚誑嫉妬等諸煩惱生中處  
者愚癡憍慢等諸煩惱生一切結使煩惱三

毒所攝所以者何有三不善根一切結使煩惱此三毒生能斷三善根能惱亂三界衆生是故三毒所攝

阿毗曇甘露味因緣種品第七

十二因緣者無明行識名色六入更樂痛愛受有生老死是十二因緣有三種一煩惱二

露味上

十五

業三苦三種煩惱無明愛受二種業行及有七種苦識名色六入更樂痛生老死二種過去攝二種未來攝八現在攝諸煩惱業因業苦因苦煩惱因煩惱煩惱因煩惱業因業苦因苦苦因彼種次第起過去無明與一切煩惱相應是無明緣此造業業造世間果是名

行彼行因緣染污心得身根分別識譬如犢  
子識母是識是識共生四無色陰亦相續生  
色是名色依眼等根境界是六入情塵心和  
是更樂更樂生受是痛痛所著是愛渴具所  
煩勞是受勞造業是有未來果是生生起無  
量苦是老死復次無明不知四諦內外法去  
來今佛法衆因緣如是種種實法不知是謂  
無明癡人作三種行有德行無德行不動行  
云何有德行得好報云何無德行得惡報云  
何不動行生色無色界復次布施持戒禪云  
何布施二種布施一者財施二者法施五種  
持戒若受戒至竟淨除惡心垢常念守護不



求世間報禪者不淨觀教息等意一切有漏  
善定法是有德行云何無德行三不善根十  
不善道等種種罪是謂無德行云何不動行  
初禪乃至有想無想定是謂不動行三因緣  
有漏識受第一七有是謂識從識有名色痛  
想行識陰是謂名四大及造色是謂色二事  
說名色名色生六入六入生更樂更樂有  
六種二種身意起有對增語六識分別故六  
種更樂更樂生愛不愛不愛有三種痛苦樂  
不苦不樂云何苦痛瞋恚使所使云何樂痛  
欲使所使云何不苦不樂痛無明使所使起  
樂住樂盡不樂是謂樂痛起苦住苦盡不苦

是謂苦痛不智不樂智時樂是謂不苦不樂  
痛生三種渴欲渴色渴無色渴求無厭足想  
渴生四種受欲受見受戒受我受欲界繫除  
十二見諸餘煩惱是謂欲受四邪見是謂見  
受外持戒求索道是謂戒受色無色界繫除  
二十四見諸餘煩惱是謂我受四受生諸結  
使業處三種有欲有色有無色有有生得五  
陰是謂生行衰苦是老二種老一漸消漸消  
老二年熟老二種死有自死他殺死得愁憂  
悲惱苦云何愁心不用不欲事來心熱是謂  
愁云何悲哭種種說哭是謂悲云何苦身惱苦  
是謂苦云何憂心惱是謂憂云何惱懸常水

火盜賊等種種急及餘事是謂惱如是無量  
苦聚是無明等因緣是因緣盡諸報果盡如  
是無量苦聚盡六種合得人身云何六種四  
大空識地水火風三大有色地水火量度長  
短麤細風風種一種四大常合無差別堅相  
地濕相水熱相火動相風外四大成就內四  
大種色中空眼識緣有內外是謂空種五識  
及有漏意識是謂識種生世六種堅高地水  
潤冷火煮除爛臭風動坐起動作生長因空  
飲食消化風持去識力有命是謂人  
阿毗曇甘露味淨根品第八  
婬怒癡心相應是謂煩惱是謂結縛欲除是

三種者一制二除三智斷云何制若未得無  
漏心持戒思惟却婦怒癡心不受是謂制去  
何除得禪定離婬惡不善法是謂除云何智  
斷覺意緣苦習斷是謂斷若制若除或時淨  
或不淨無漏智斷是謂清淨二十二根諸外  
入男女命苦樂憂喜護信精進念定慧未知  
已知大知根內六根如前說男相男識是謂  
男根女相女識是謂女根三界中活相是謂  
命根六識相應樂痛是謂樂根五識相應苦  
痛是謂苦根意識相應樂痛是謂喜根意識  
相應苦痛是謂憂根六識相應不苦不樂痛  
是謂護根諸善法中信是謂信根如是精進

念定慧根堅信堅法道攝無漏九根是未知  
根信解脫見到道攝無漏九根是已知根無  
學道攝無漏九根是大知根云何根義有力  
有利是謂根六情男女命九根世界中有力  
有利五痛根煩惱生有力有利信等五根善  
法中有力有利三無漏根道中有力有利  
道故諸根各自有力有利三十二根總欲界  
繫幾色無色界繫幾不繫四根欲界繫男女  
憂苦根五根欲色界繫眼耳鼻舌身根有漏  
喜樂根欲色界繫有漏護意命根信等五根  
一切三界繫無漏意根護根喜樂根信等五  
根是不繫是九根合是三無漏根未知根也

知根六知根二十二根幾受幾不受樂等五  
根信等五根意根三無漏根是不受餘殘根  
或受或不受二十二根幾善幾不善幾無記  
八根善信等五三無漏八無記眼等五根男  
女命根六當分別意根樂等五痛根或善或  
不善或無記二十二根幾有漏幾無漏信等  
五樂喜護意或有漏或無漏後三根一聞一  
漏十根有漏眼耳鼻舌身男女命憂苦三種  
生最初得二根身根及命根化生或六七八  
無形六一形七形二形八眼等五及命男女  
根餘殘根次第得色界中最初得六根五情  
命根無色界最初得一命根欲界無記心漸

命終四或八或九或十若善心死若若十五  
若十四若十五二十根幾見諦斷幾思惟  
斷幾不斷四根或見諦斷或思惟斷或不斷  
意樂喜護根憂根或見諦斷或思惟斷信等  
五根或思惟斷或不斷三無漏根不斷餘殘  
根思惟斷

阿毗曇甘露味結使禪智品第九

九十八使二種斷見諦斷思惟斷二十八見  
苦斷十九見習斷十九見盡斷二十二見道  
斷十思惟斷欲界繫見苦斷十使見習斷七  
使見盡斷七使見道斷八使思惟斷四使是  
三六使欲界繫除瞋恚餘殘結使色無色

中各斷三十一略

言實十使身邪邊邪邪見

見盜戒盜疑愛恚慢無明云何身邪五陰中  
計我如是見謂身邪世界有邊無邊如是見  
謂邊邪無四諦因緣果報如是見謂邪見有  
漏法中計常第一如是見謂見盜非淨因緣  
中求淨道如是見謂戒盜未得道心癡不了  
是不是有不是謂疑癡心諸法中欲著是  
謂愛癡心中不欲對來心忿動是謂瞋自大心  
貢高是謂慢諸法實相不知是謂無明是諸  
使欲界苦諦一切習諦七盡諦亦亦道諦八  
諸邪疑見諦斷欲界四思惟斷色無色界六  
思惟所斷貪恚慢無明五行斷疑邪見見盜



四諦斷身和邊邪苦諦斷戒盜苦諦道諦斷  
欲界苦諦斷六五邪疑習諦斷三二邪疑無  
明二種苦諦斷無明或徧或不徧云何徧六  
使相應及不共無明是謂徧去何不徧三使  
相應無明是不徧如是習三使相應及不共  
無明是謂徧餘殘不徧諸使除愛恚慢餘殘  
一切徧何以故是諸使五緣是一切徧使中  
二邪及彼相應無明自界一切徧非他界色  
界亦如是無色界一切徧使自界一切徧餘  
殘一切徧使自界一切徧亦緣他界無明一  
切使相應因及不共無明三界盡諦道諦所  
斷邪見疑無明是十八使無漏緣餘有漏緣

諸有漏緣使及彼相應無明有漏緣餘殘無  
明無漏緣一切三界結使護根相應梵天光  
曜天中諸使護根相應及喜根徧淨天諸使  
護根樂根相應欲界繫邪見無明三根相應  
喜根憂根護根疑二根相應憂根護根瞋恚  
三根相應憂根苦根護根餘殘欲界見諦斷  
二根相應喜根護根欲界中思惟所斷六識  
相應陰慢慢意識相應一切見諦所斷意識  
相應十小煩惱是說纏一瞋二自罪怖三睡  
四眠五調六戲七慳八嫉九無慙十無愧云  
何瞋心惡利動云何自罪怖畏人見聞云何  
睡心沉心重身重一切結使盡云何眠心

合卧出不自在欲擊意識相應云何調  
心不善不息與一切結使相應云何戲作善  
不善後悔與憂根相應云何慳愛惜心悟云  
何嫉見他得好事不歡喜欲使得苦是二結  
欲界繫思惟所斷云何無慙自作惡不著云  
何無愧作惡不愧他之二一切不善法相

三結愛恚無明六識相應色界二愛無明四  
識相應餘殘結使意識相應一時無礙道斷  
結使作證時重作證斷欲界結得三斷智欲  
界苦諦習諦所斷一斷智盡諦所斷二斷智  
道諦所斷三斷智色無色界四諦所斷結盡  
三斷智欲界中五下分結盡心斷智色界思

惟所斷八斷智一切結使煩惱盡九斷智滅  
結無餘是謂斷智有如是諸結使心不相應  
纏心相應是事不然一切心相應何以故起  
結使煩惱壞善法見結使是時善法生是故  
知一切結使心相應是諸一切結使二事斷  
禪智相應心云何禪斷初柔軟心云何智分  
別諸法入定一心諸法無常等觀思惟是謂  
智禪智俱行共思惟得解脫三時善精進一  
心護坐禪時若心柔軟是時應思惟精進若  
心調是時應一心思惟善若是二事俱不柔  
軟不調是時放心去譬如鍛金師持金著火  
中時時囊吹時時持水澆時時放休何故

吹金使焦融常水吃冷不熱若常放不  
調熟坐禪亦如是囊裏吹如精進著水澆如禪  
放捨如護何以故常精進心調常定一心心  
柔軟常護不受諸心是故時時勤精進時時  
一心定時時護如是心和調一切結使中得  
解脫

阿毗曇甘露味三十七無漏人品第十

坐禪法先繫心一處若頂上若額端若眉間  
若鼻頭若心中令心一處任若念走攝來還  
著一處是心者譬如猕猴繫頭著柱遶柱走  
不得去極便任心走亦如是繫心著法使不  
去極便任漸觀身痛意法是入滿意止

熟一心得實智慧觀一切行實相生滅不住  
故無常積實患破苦內無人破空不自在破  
非我從是得暖法意中起譬如鑽火木中生  
佛法中生信淨善根四緣觀觀十六行四行  
觀苦諦從因緣生不住破無常無常力壞破  
苦無人破空不自在破非我四行觀習諦生  
相似果破因生死不絕破習不可盡破有不  
相似相續破緣四行觀盡諦一切苦患開破  
盡除一切結使火破止勝一切法破妙出三  
界破度四行觀道諦能到涅槃破道非顛倒  
破應聖人所行破住能離世間惱破出觀十  
六行善法常勤精進是謂暖法從是暖善根

增長是謂煩善根信三空若信五受陰無常  
若苦空非我如是緣四諦十六行勝暖法故  
說頂已增上頂隨諦忍名忍善根是有三種  
上中下緣四諦觀觀十六行順諦增上善根  
是名世間第一法一心時心心教法是謂世  
間第一善根有言信等五根是世間第一法  
妙實義一心時心心教法是世間第一善根  
能用涅槃門是凡夫法中身一緣觀一諦四  
行無常苦空非我何以故第一無漏心緣苦  
諦世間第一法亦如是六禪地未到禪中間  
禪四禪是忍頂暖善根六地中有世間第一  
法次第起無漏人是名苦法忍未曾見淫見

能忍改說忍是初忍無礙道次第苦法智生  
實知苦相苦法智解脫道是二心緣欲界繫  
苦未知忍無礙道未知智解脫道是二心緣  
色無色界繫苦習盡道諦亦如是是正觀法  
諸十六淨心十五心中利根是說隨法行鈍  
根是說隨信行是二人未離欲界結向第一  
果欲界結使六種斷向第二果若九種結盡  
向第三果向第一果欲到十五心中行人亦  
復果中間行人是二人隨法行隨信行到十  
六心中得果住是二人先未斷結滿十六心  
俱須陀洹若斷六種結滿十六心俱斯陀含  
若斷九種結滿十六心俱阿那含得第二果



八十八結盡是人無漏戒善根成就故說須陀洹利根得果名見到鈍根得果名信解脫是二人若欲界繫思惟斷結不盡七死七生若先盡三品是名家三死三生八直道水流到涅槃是中行須陀洹六種結盡是說斯陀含八種結盡是說一種生欲界天還生人中便般涅槃是名一種及斯陀含五阿那含中般涅槃生般涅槃行般涅槃無行般涅槃上流阿迦尼到阿那含復有無色界生阿那含色無色界苦盡得般涅槃不生下界是說阿那含欲界結使九種色無色界亦如是是諸結使兩道斷無礙道解脫道先無礙斷解

脫道成就譬如得毒蛇著瓶中蓋口世俗道  
出世界道出世界道斷欲界色無色界繫諸  
結使世界俗道亦能斷除世界上繫八地離  
欲得滅盡定是說身證阿那含若俱解脫阿  
羅漢法似涅槃身中著五下分結盡得阿那  
含五上分結盡得阿羅漢是色無色界中諸  
餘結使纏縛是說心調如金剛定次第滅智  
生是時得阿羅漢果是最上有離欲無礙道  
亦最後學心是金剛定次第初無學滅智生  
我諸生盡滅我得阿羅漢一切結盡大小煩  
惱斷滅是說阿羅漢一切人天中應受供養  
是名阿羅漢是無學九種一退法二不退法

三思法四守法五住法六能進法七不勤法  
八慧解脫九俱解脫云何退法軟智軟精進  
五退具中行退道果是謂退法云何不退法  
利智勤精進五退具中不行不退道果是謂  
不退法云何思法軟智軟精進勤觀身不淨  
可得思惟自滅身是思法云何守法軟智勤  
精進自守身是守法云何住法中智中精進  
中道行不增減是住法云何能進法少利智  
勤精進能得不勤善是能進法云何不勤法  
利根大勤精進先時得不勤善是不勤法云  
何慧解脫不得滅盡定是慧解脫云何俱解  
脫能得滅盡定是俱解脫隨信行五種阿羅

漢名時解脫是諸阿羅漢二智滅智無學真  
見隨法行一種阿羅漢利根是名不特解脫  
是阿羅漢三智滅智無生智無學真見八阿  
羅漢愛時解脫成就不動法成就隨信行見  
諦道十五心中無漏九根是名未知根十六  
心得果是無漏九根是名已知根是九根俱  
無學法是名大知根得果時失向道道中斷  
結使盡二種成就有為無為得大果時一切  
失本二種得一種成就九種斷結使諸不隱  
沒法第九心一切得斷能進法阿羅漢得不  
動善非餘信解脫學得利根名見到非餘見  
諦道中結使各各異無漏法各各異以是故

漸漸見諦不一時見無礙道方得果次是破  
二種果有為果無為果

阿毗曇耳露味論卷上

華



